



Imwaain ae I kabwarabwarai ao I a reitai ma kaain abau ae Nei. Manotaake Tokobea n tabeka te Inga ao te Kamauri moa nakoia kaain abara ae tangiraki, Teraina ni moa mairoun te tetei ni karooa te kara ao ai nakoia kaaini Kiribati ni kabane , ao n Arana ao n Ana Tangira te Uea ao

“Kam na bane n Mauri.”

Te Tia Tei ae boou ngai nakon ana Maneaba ni Maungatabu (MnM) Kiribati ao imwaain ae I riki bwa te Tia Tei ao I mwakuri n te Bootaki ni Mwane n te maan ae 12 te ririki. Kaain abau bon te Katorika ao ngai bon te KUC. Au ririki n maeu bon 40 ao iai uoman (2) natira, te aine ao tem wane.

I kukurei ni kamatata bwa kaainakin te Batei ae Tobwaan Kiribati (TKB) boni kakoroan nanon ma ana kantaninga abau ae Teraina bwa e tangirai bwa N na kaaina te Batei aei ibukina bwa ni kaineti ma aia koaua ao tekatekau inanon TKB bon te anga teuana ae na kona ni koro iai ao man tobwaaki iai kainnania kaain abau ae Teraina.

Ni motikan au maroro ao au Bau ma ngkani te Mauri, te Raoi ao te Tabomoa ae ramwaneaki n ana Tobwa Nei Maria ae Tinan ara Uea ae Iesu Kristo.

Bautaake Beia.





Te boto n iango ae kakawaki (vision):

Karika Kiribati bwa te aba ae itiaki ma ni manguroro ke ni kirin.

Te Takete ae na uarokoaki nako iai Kiribati (Objectives)

1. E na kateimatoaki reiakinan te aro ni kaitiaki n te mwenga.
2. E na totokoaki karenakoan mange iaon te bike ma tari.
3. A na boutokaki taiani mwakoro n Aro n anga ake a na angaraoi karaoakiia.

Kanoan te mwakuri (mission):

E na marurung ma ni unga nanon te I-Kiribati nakon te maiu ni kakaitiaki iaon te aba, tari ao marawa, te maiu n te rabata ao te maiu n tamnei, ao ni kabatiaaki te ununiki ao tararuan marurungin aroka ma kain amarake n aekaia nako bwa e na teimatoa ni kirin abara ae Kiribati.

Aroaro aika a riai (core values):

1. Maiuakina te onimaki ae e itiaki ao karinean Atuam n ti ngaia.
2. Karinea tamam ma tinam.
3. Te mwakuri korakora ao te kakaonimaki.
4. Karinean te Tua.
5. Taekinan te koaua, te eeti ao te riai.

Au karekemwane:

1. Kabatian te karekemwane man te raitienti n te akawa, ao kabonakoan kaubwaira man kabin ara marawa.



2. Kabirimwakaan te ikonibwai man kaubwain Kiribati aika ana karekemwane.
3. Ritinakin abara ake n te aono n Raina ao Rawaki.
4. Wakinan te angabwai iaon te katine ben ke te copra tax.
5. Kabubura te angabwai iaon kaobwai (imports) ake ana kabarekareka ao ni urubwai nakon te otabwanin.
6. Tauan te teuana te katebubua te angabwai (1% tax) nakoia taan mwakuri ni kabane ibukin buokan te kaitiaki.
7. Kakae an anga ake e na birimwaka riki iai karikirakean ara mwane n tania ni buoka te karekemwane.
8. Butakin te mwane n tania ni buoka te kataumwane ao te karikirake ni kaineti ma te kainibaire iaon butana.

Au karikirake:

1. Katean te Aobiti are e na tabe ma te kaitiaki ao te katamaroa.
2. E na kamarurungaki te kaitiaki n raonaki ma te reirei ao te kataneiai ao karekean bwaai ni mwakuri aika toamau.
3. Kamarurungaki ao ni kaungaaki te ununiki n te mwenga, te reirei, rarikin te kawai ao ana tabo nako te Tautaeka ma botaki nako.
4. Kakae anga ni kabongana te ran are i nukan Teraina ba e na riki ba te ran mooi ao ni buoka te ununiki ma kamaiuakin tenan aroka.
5. Karekean te mitin n kamwaiti takataka ba e na buoka te kaitiaki.
6. Karekean te karikirake iaon te tao teiti (sawmill factory) ibukin kabonganaakin kaubwain Teraina te nii aika tiraua.



7. Karekean te mitin are e na oniki mange nakon baika a bongana ke n recycle.
8. Taan tararua mataniwiin te aba, taari, nanon ao rarikin kawai.
9. Karikirakean aia konabwai taan mwakuri n te Botaki ni Makuri ae te Mauri ao Katoki Aoraki.
10. Kabatian riki reirei n te moan rinan ao kauarinan ni kaitara rikiraken te botanaomata, ao tibwatibwana raoi iaon Abamwakoro aika a kakaokoro.
11. Karaoi ao katamaroai Tua ake ana buoka te itiaki ao te katamaroa nakon te aba.
12. Kaungakakia taan anga te buoka bwa ana kabatiaia aia ibuobuoki ao ni karekei anga ni kawaekoa reken te mwane ni buoka rikiraken ao itiakin abara.
13. Kanakoraoan te itoman ao mwamwananga iaon aban nako Kiribati
14. Kibarakin karaoan kawai aika a boou.
15. Karikirakeaia ao katanaiia aine ao ataei man te bwainikirinaki.
16. Kateimatoan ara kainibaire ao are Tua n totokoi waki n burakiako nakon ana mwane ao kaubwain te botanaomata.
17. Kateimatoan te ibuobuoki nakoia ara Ekaretia ao Botaki n Aaro aika kakaokoro.
18. Karekean te ibuobuoki nakoia Bureitiman n aia reirei, kataneiaia ao aia bwai ni mwakuri.
19. Katean te Auti ni Kabowi ae boou ao ni bubura ibukin katoamauan te rikirake.
20. Kabatian kataneiaia nakoia ara Rooia ao ara Taan Moti.
21. Oneakin te Tua ae Maungatabu bwa e na teimatoa tamaroana.



22. Kateimatoan te reitaki ao te iraora ma raoraora ao taan anga te buoka mai tinaniku.
23. Buokan karikirakean te takakaro n karekeaia taan anga reirei (coach) n tuan te biira.
24. Katamaroan te reirei ao te raitienti nakoia bitineti n te tarena aika te mechanic, machine operator, te plumber, te iti ao te kabenta.